

**-SAVJET ZA RODNU RAVNOPRAVNOST-**

Broj: 0101-8668-1/24

Sarajevo, 11. 09. 2024. godine

Z A P I S N I K**SA 6. SJEDNICE SAVJETA ZA RODNU RAVNOPRAVNOST
UNIVERZITETA U SARAJEVU ODRŽANE 11. 09. 2024. GODINE**

Prisutne/i: prof. dr. Amila Ždralović, predsjednica, dr. sc. Gaj Trifković, zamjenik predsjednice, prof. dr. Ajla Demiragić, prof. dr. Dženita Hadžijunuzović-Alagić, doc. dr. Belma Memić, dr. sc. Maida Hadžić Omanović, članice/član.

Odsutne/i: prof. dr. Jasna Kovačević, prof. dr. Zilka Spahić-Šiljak i red. prof. Ermin Bravo, članice/član.

Sjednica je počela u 12:00 sati.

Sjednicom je predsjedavala prof. dr. Amila Ždralović, predsjednica Savjeta na čiji je prijedlog jednoglasno usvojen slijedeći

D N E V N I R E D:

1. Zapisnik sa 5. sjednice Savjeta za rodnu ravnopravnost Univerziteta u Sarajevu održane 15. 05. 2024. godine
2. Nacrt Smjernica za uključivanje rodne dimenzije u istraživanja
3. Informacija o javnim konsultacijama na Prednacrt Strategije za razvoj nauke Kantona Sarajevo 2025-2028.- <https://mon.ks.gov.ba/aktuelno/obavjestenja/javne-konsultacije-na-prednacrt-strategije-za-razvoj-nauke-kantona-sarajevo> i eventualni komentari Savjeta za rodnu ravnopravnost.
4. Organiziranje sastanka sa savjetnicama i savjetnicama za prevenciju seksualnog i rodno zasnovanog uznemiravanja

5. Aktivnosti Savjeta u akademskoj 2024/2025. godini shodno Akcionom planu za rodnu ravnopravnost Univerziteta u Sarajevu
6. Tekuća pitanja.

T O K S J E D N I C E

Ad-1.

Zapisnik sa 5. sjednice Savjeta za rodnu ravnopravnost Univerziteta u Sarajevu održane 15. 05. 2024. godine, jednoglasno je usvojen.

Ad-2.

Nacrt Smjernica za uključivanje rodne dimenzije u istraživanja:

Prof. dr. Amila Ždralović informirala je članice i članove Savjeta da je Zaključkom Senata Univerziteta u Sarajevu broj: 01-11-33/24 od 26. 06. 2024. godine, utvrđen Nacrt Smjernica za uključivanje rodne dimenzije u istraživanja sa obrascem za dobivanje mišljenja Savjeta za rodnu ravnopravnost o urođnjavanju istraživanja/projekta i upućen članicama Univerziteta u Sarajevu u javnu raspravu koja je trajala 30 (trideset) dana. Po okončanju roka za javnu raspravu od strane vijeća članica Univerziteta u Sarajevu nisu zaprimljene primjedbe i prijedlozi na ponuđeni Nacrt.

Na održanoj sjednici, konstatirano je da je potrebno u konačnom tekstu Prijedloga *Smjernica za uključivanje rodne dimenzije u istraživanja* na naslovnoj strani navesti Službu za naučnoistraživački radi i Centar za istraživanje i razvoj Univerziteta u Sarajevu, jer je naknadno uočeno da su u tekstu Nacrta greškom ispušteni.

Također, prof. dr. Amila Ždralović informirala je članice i članovi Savjeta da su prof. dr. Dženana Husremović i prof. dr. Dušanka Bošković, prorektorice iskazale potrebu da dostave svoje sugestije na ponuđeni tekst Nacrta. Zaključeno je da svoje sugestije mogu dostaviti do četvrtka 12. septembra 2024. godine do 12:00 sati, kako bi se o istom očitovale/i članice i članovi Savjeta, te finalni Prijedlog Smjernica uputio na sjednicu Senata koja je planirana za 25. septembar 2024. godine.

Ad-3.

Informacija o javnim konsultacijama na Prednacrt Strategije za razvoj nauke Kantona Sarajevo 2025-2028. - <https://mon.ks.gov.ba/aktuelno/obavjestenja/javne-konsultacije-na-prednacrt-strategije-za-razvoj-nauke-kantona-sarajevo> i eventualni komentari Savjeta za rodnu ravnopravnost:

Nakon diskusije u kojoj su učestvovali svi prisutni, zaključeno je da će Savjet svoje komentare na navedeni dokument usaglasiti kada isti bude usvojen u formi Nacrta.

Ad-4.

Organiziranje sastanka sa savjetnicama i savjetnicama za prevenciju seksualnog i rodno zasnovanog uznemiravanja:

Nakon uvodnih informacija prof. dr. Amile Ždralović, doneseni su slijedeći zaključci:

- Na održanom sastanku savjetnicama i savjetnicima predstaviti će se dosadašnje i buduće aktivnosti Savjeta;
- Za ovaj sastanak prof. dr. Amila Ždralović će pripremiti radnu verziju agende kako bi se ista prosljedila članicama i članovima Savjeta na usaglašavanje;
- U cilju organiziranja edukacije za savjetnice i savjetnike i usaglašavanja termina održavanja, zaključeno je da će prof. dr. Amila Ždralović obaviti konsultacije sa prof. dr. Jasminkom Gradašćević Sijerčić koja bi bila edukatorica.
- Prihvaćena je inicijativa da se u sklopu prijema bruceša u akademskoj 2024/2025. godini (7. oktobar 2024. godine) na fakultetima i akademijama Univerziteta u Sarajevu studenti/ice informiraju o imenima savjetnika/ica za prevenciju seksualnog i rodno zasnovanog uznemiravanja na fakultetu/akademiji, kao i Smjernicama za prevenciju seksualnog i rodno zasnovanog uznemiravanja koje je utvrdio fakultet/akademija.

Ad-5.

Aktivnosti Savjeta u akademskoj 2024/2025. godini shodno Akcionom planu za rodnu ravnopravnost Univerziteta u Sarajevu:

Razmatrajući aktivnosti Savjeta u zadnjem kvartalu 2024. godine, konstatirano je da će se aktivnost pod tačkama 2.2. i 2.5. Akcionog plana realizirati u sklopu aktivnosti navedenih pod tačkom 4. Dnevnog reda.

U cilju izrade analize pod tačkom 3.2. Akcionog plana potrebno je od Službe za nastavu i studentska pitanja Univerziteta u Sarajevu zatražiti podatke o upisanim studentima i studenticama po godinama i ciklusima studija u akademskoj 2024/2025. godini (rodna analiza upisne statistike u cilju formulisanja preporuka za aktivnosti naredne promocije upisa na UNSA) – zaključno sa 4. novembrom 2024. godine.

Konstatirano je da je potrebno analizirati podatke o svršenim studenticama i studentima dobitnicama/dobitnicima priznanja Univerziteta u Sarajevu (rodna analiza dobitnica/dobitnika priznanja Zlatna značka, Srebrna značka i Povelja). Također, potrebno je od Službe za ljudske resurse Univerziteta u Sarajevu zatražiti podatke o prijemu u radni odnos akademskog i nenastavnog osoblja u akademskoj 2023/2024. godini (rodna analiza prijema u radni odnos na Univerzitetu u Sarajevu)

U cilju realizacije tačke 4.1. Akcionog plana potrebno je od Službe za naučnoistraživački rad Univerziteta u Sarajevu zatražiti podatke o autorima/autoricama koji/e objavljuju radove u visokoindeksiranim časopisima (analiza rodnog balansa).

U cilju realizacije tačke 4.5. Akcionog plana, potrebno je od Službe za naučnoistraživački rad Univerziteta u Sarajevu zatražiti podatke o zastupljenosti žena i muškaraca u istraživačkim projektima u nauci i umjetnosti, kao i rukovodećim pozicijama u istim (projekti FMON-a i Kantonalni projekti).

Također, potrebno je analizirati rodni balans dobitnika/ica počasnog zvanja profesor emeritus Univerziteta u Sarajevu.

Na održanoj sjednici istaknuta je potreba redefiniranja dobne granice za mlade istraživače/istraživačice u projektima (projektnim timovima) koje finansira FMON-a, odnosno potrebno je skrenuti pažnju na dobnu diskriminaciju stavljanjem granice na 32 godine starosti.

Konstatirano je da je prilikom razmatranja utvrđenih prijedloga Savjeta koji se dostavljaju Senatu na dalje postupanje, potrebno da sjednicama Senata prisustvuje predsjednica Savjeta kako bi mogla dati eventualna pojašnjenja i obrazloženja u vezi sa ponuđenim materijalima.

Sjednica je završena u 13:30 sati

PREDSJEDNICA SAVJETA



Prof. dr. Amila Ždralović

Za Zapisnik:



Alma Voloder-Madački, dipl. iur.